



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 6. Politia huius Regni.

urn:nbn:de:hbz:466:1-13120

NVM. 5. *De Moribus incolarum Regni Neapolitani.*

INCOLÆ huius Regni pessimè audiunt apud reliquos Italos, unde proverbiū, Regnum Neapolitanum *Paradisum esse*, sed incolas *Demonas*. Generosi sunt omnes, & fortes, atque luculentam Hispanorum Regi nauant operam in omnibus bellis, & si hi deficerent equestris militia Hispanorum planè iaceret. Nobiles hīc ferè otiosi viuunt: Omnes eleganter vestiti incedunt. Nusquam plures meretrices quām Neapoli. Mulieres tam splendide vestitæ, ut nobiles à plebeiis vix distinguantur. Frugales sunt Neapolitani, & parci, sed cùm res exigit splendidi supra vires atque fortunas. In seditiones propendent, quibus ætate nostrâ iugum Hispanicum tantùm non excusserunt. Lingua Neapolitana inquinatior; sed longè magis Calabra; turpissima, & ridicula Apula.

CALABRI astuti creduntur omnes, malitiosi, pertinaces, quæ virtutia auxere quoque Albani, qui ex Græciâ inter hos sparsi sunt. Ingenio sunt peracri, corpore compacti, & expeditissimi ad longum iter per uolandum.

APVLI robusti omnes, atque proceri, ad bella nati, & satis fideles, sed ingenij obtusioris.

SAMNITES denique, seu incolæ *Aprutij*, generosi, candidi, fortes, liberales, fideles, & multùm de Gallorum moribus referrunt.

Cætera quæ de iis circumferuntur satyræ potius videntur, quām morum obseruationes.

NVM. 6. *Politia huius Regni.*

STATVS HVIVS REGNI. Nobilitatis hīc infinitus propemodum numerus est; recentior libellus editus Amstelodami numerat 19. Principes, Duces 25. Marchiones 37. Comites 54. Barones supra mille. Alij minorem numerum suggerunt, alijs maiorem. Certe qui Gallicè editus est de Principibus Italiæ tractatus, 60. Principes suggerit, ferè centum Duces, plures Marchiones, pauciores Comites, de Baronibus cum Amstelodamensi concinit. His defunctis, nisi consanguinei sint adeò propinquai, vt iure Pragmaticæ Sanctionis succedere queant, ad Regem Hispaniæ eorum di-

CCccc iii

tiones deuoluuntur. Ex postea venduntur ditioribus mercatoribus, aut nepotibus Cardinalium, vnde discordiae aluntur inter illos, & antiquam Nobilitatem, quā non insipienter vtuntur Hispani. Oppida nullis Baronibus, aut Dominis subiecta à Rege venire possunt, & sèpè veneunt.

ADMINISTRATIO. Regni huius caput est Prorex, qui etiam oræ Tuscæ prouidet, ut præmonuimus: & is ferè tantum triennio præst. Emittit à se delectos, Proreges etiam appellatos in Aprutium Citerius, Capitanatam, regionem Hydruntinam, Barianam, utramque Calabriam, & Principatum vltoriorem. Prorex consilium habet Collaterale dictum, quia Proregi assidet, eumque adiuuat ad Regnum administrandum. De aliis magistratibus, dignitatibus, foris, lege tractatum de Principibus Italæ, & Dauidum. Neapolis autem ciuitas regitur à consilio sex virorum, quorum quinque ex Nobilitate de singulis vicis, & unus ex plebe. Sed de illis vicis postea agemus in Geographicâ descriptione.

MILITIA. Peditum hinc quatuor aluntur millia sub diuersis Tribunis, & uno Præfecto quem vocat *Maestro di Campo*, & uno iudice quem appellant Auditorem: vocantur hæ copiæ *Terzo di Napoli*. Præterea in arcibus, castellis, turribus mille sexcenti Hispani pedites numerantur. Equitatus ex mille Cataphractis constat in sedecim turmas distributus, singulæ turmæ 60. continent, Proregis tamen turma 100. numerat, præterea quadringenti velites in quinque turmas diuisi sunt. Quot autem possint exigi milites rebus exigentibus, exinde edisces quod in hoc regno quingenta quinquaginta focorum millia numerentur, quinques centies milie capita supra duos millions. Triremium quinquaginta classis, quia regnum ferè mari inuadi potest.

DIVITIÆ. Annuus redditus est vicies quinques millium ducatorum, seu duorum millionum cum dimidio, præter alia vestigalia, quæ primùm donatiui nomine extorta, in tributum ordinarium transferunt. Item & aliquid frumenti in singulos focos pro hospitiis præsidiorum, & nobilium qui Proregem comitantur, pro custodibus turrium maritimorum, pro reparacione viarum militarium, denique pro circitoribus campestribus. Certè omnes Proreges, & præfecti ex eo regno diuites redeunt, vnde grauissimæ seditiones ortæ, quas haec tenus satis feliciter Hispanus sopherat, sed quæ concitata est 1647. pñc eos ex hoc regno exterminauit.

VRBES MUNITÆ, & præsidiis instrui solitæ, sunt Piscaria & Cimella in Aprutio, Befricia & Manfredonia in Basilicatâ: Barleta, Tra-ni, Biseglia, Monopoli in tractu Barriensi: Taranum, Cortona, Rheggio in Calabriâ: Neapoli & Caieta in Campaniâ. De arcibus suis locis dicetur in vrbibus quibus adiacent.

PORTVS sunt Neapolitanus, Baianus, Caietanus, Brundusius: Tranius in Barriensi agro si reficeretur centum naues & amplius caperet. Tarentinus amplissimus est, sed in dies obducitur, metu ut aiunt ne eo Turca vtatur ad inuadendum hoc regnum.

TVRRES LITORIÆ in toto regno sic numerantur: in Campaniâ 32. in Principatu citeriore 69. in Basilicata 7. in Calabriâ Citeriore 27. in Calabriâ Ulteriore 50. in Agro Hydruntino 65. in Bariano 16. in Aprutio Citeriore 7. in Aprutio Ulteriore 6. in Capitanatâ 22. omnino una cum trecentis.

VIAE quibus exercitus terrestres traduci possunt ex ditione Pontificiâ in hoc regnum, quatuor numerantur. Prima per Fanum S. Germani, Frusinonem, Anagniam, satis infeliciter à Gallis tentata tempore Gonsalui. Secunda per Fucini dextram ripam, & Valerij vicum, admodum difficilis ob asperitatem montium. Tertia per ciuitatem Reate. Quarta denique expeditissima per Firmum, Asculum, Ciuitellam, Iuliam Nouam, quæ planior, & tutior, & dicit in Apuliam omni rerum copiâ abundantem.

FAMILIÆ ILLVSTRISSIMÆ; Caraffe, San-Seuerini, Colomne, Bis-piani, Picolominei, Aquavive, Spinelli, Castriot.e, & alij quos hîc re-censere prolixum esset.

§. 2. Descriptio Geographica Regni Neapolitani.

NVM. I. Campania Felix, Terra di Lauoro.

CIVI-	NEAPOLIS: Napoli, nobis Naples, de quâ Paragrapho proximè sequenti.
T A -	PVTEOLI: Pozzuoli, nobis Pouzzol, portum habet com-modissimum, sed oblimatur sensim: vrbis quoque multis terræ motibus deformata est. Circa hanc plu-rima balnea, & aquæ salutares, de quibus in Admi-randis.
T E S	
M A -	ISCHIA: Ischia Citta, de quâ in Insulis.